

T. 042

برس سرب سون ۱۳۱۵
عثمان ثنائي



ج۱ - ۱

ايشيا عيسى كنه



برس سرب سون ۱۳۱۵

برس آلاى عامر يوسف بکه مکتوب .
برس موهنلوتهك زمان عامر سوارينه دائر ملاحظاتی
عسکر مکتوبلری .
T. 2002

معارف نظارت جلیله بیک رخصتیه



باب عالی جادوسی — طریق مطیعہ سی

۱۳۱۵

عثمان ثنائی

اَبْنِیَا عِیْسٰی کَرِیْمَہ

جزء - ۱

مندرجات :

مکتب حریۃ شاہانہ معلم‌رندن عزت‌لو طاهر بک
توب . زمانہ زدہ سواری صنفک تشکیلات و اہمیتہ
ملاحظات .

معارف نظارت جلیلہ سنک رخصتیلہ .

درس عادت — طریق مطبعہ سی

ادبیات عسکریه

مکتب حربیه شاهانه معلملرندن عزتلو طاهر بکه
مکتوب . لسان یلمک اوشیدر . المانجه برهسکرك
یيله جکی الكورلر لساندر . اسکی ریاضیه دوشکونلری
رسم و شعر هوسلری . یولدن چیقالمه قرشو سعدینک
برسوری . مات مسلطه کمال و مریتنه دائر ایکی ققره .
(حربک سوق و اداره سی) نام اثره فون درغولج پاشا
حضرتلرینک الكوزل برائیدر .

مکتب حربیه شاهانه معلملرندن میرآلای عزتلو
طاهر بک افندییه
فون درغولج پاشا حضرتلری طرفندن :
(حربک سوق و اداره سی) نامیله یازیلان
اثری او یيله ظن ایدرم که ایلک اوجکه ذات عالیکنز
اوقومشسکزددر . مشارالیه بزده ایکن دها بو
اثری یازمه یه باشلادیغنی اصحاب کمالدن بریسی
بنده کنزه سویلمش ایدی . ذات عالیکنز ایسه
مشارالیهک معاونی اولدیغکنزدن اوتری اکثر یا

آلمانجه ویافرانسزجه یازیلان مسوده و اثرلرینی
هیچ کیمسه کورمه دن اول سز کوروردیکز،
لسانزده سز ترجمه ایدردیکز، آیشته اونک بویله
اولدیننی بک ایو بیلدیکم ایچون یوقاریده اسمی
کچن اثری ده هر کسدن اول سزک او قومش
بولمکیز لازم کلیور، فکرندیم. هم یالکیز
مشارالیه نزدنده معاو صفتیله قالمکیز دکل، علوم
لسانیه و ادبیات عسکریه ده کی بهره تامکیزده
سزدن بویله بر مطالعه بکلمه یه بزی مجبور
ایدور.

(حربک سوق و اداره سی) دنیلان اثر
چیقدیئی زمان شهبه سز آلمان لسانی اوزره
چیقمشدی. بن اوصره لرده هنوز ارکان حرب
صنفلرندکی وظیفه می یتسورمش ایدم. کرچه
مکتبده برقچ سنه آلمانجه او قومه یه هوس ایدلمش
ایسه ده نه چارمه که، بوکی جسم اثرلرک عبارده سی،
معناسی سوکدیره جک بر قوتی حائر دکل ایدم.
ترکجه سی، کوزل آلمانجه او کر نه مه مش ایدم.

یازیق! بر تفره سلاح فصل قطعی لازم
ایسه بر ضابطیه علی الخصوص، بر ارکان

حرب صاعقه لسان بيلمك، آلمانجه اوكرنك
اونك كي قطعياً لارمدر . كاشكي
مكتسده كچورديكم زمانلرك بيوك بر قهمنى
آلمانجه اوكرمه يه، واولسانك بحريكران معايسده
يوزمه يه حصر ايده ايدم نه كوزل اولوردى !
يازيق كه، اسان بعض كره يوريديكى يولك
اوتسده ريسده و چاليلرايجه كيرلان چيچكلره
ايجه بر زمان . كوز او حيله اواسون باققدر
كسديسى ردرلو قورويه مز . كوز بر كره
ايليشمسون ' يوقسه، ايليشدكدن صكره بوشه
كچن زمانلرك دقيقه سنى . ساعتى حساب ايتك
ممك اوله مر .

زم باشمزدن كچن ده عيأ بويله اولمشدى .
معلوم عاليكز : ر زمانلر مكتسده علوم رياضيه
بيللر مز پارمقله كوستريلوردى . يوزلرجه آرقداش
ايچده بويله ر شرقى ، پر مقله كوسترلمك شرقى
الته يانه آتيله جو شيلردن دكلدى . طابه دن
بريسك دكا و عرفانى تقدير ايتك ايجاب ايدمجه
ه بونى كوربيورميسكز ! جبر ، هندسه ، ماكنه
يتمشدر ! كسيسى عادتا ايكي آياقلى بر حساب

کتبخانه سیدر !! «سوزلری فاتحه کلام اولیوردی.
شمدی انصاف ایله باقیلورسه ، شویله بر
ایشازه آلق ایچون صرملرک برنجیلرنده اوطوران
افدیملرک کلسون هندسه ، کیتسون ماکنه دیهرک
صباح ، آقشام علوم ریاضیه اغورینه نفس توکتمش
اولملرینه براز حق ویرمکلکمز ایجاب ایدر
صانورم .

بعضیلری ده: ریاضیه درسلی کبی کرچکدن
آجیق بر ذهن ، کسکین بر فکر ایستیان
درسله زورله حیات صرف ایتمه یه
مجبور اولورلردی . یالکیز علوم ریاضیه اولسه
نه ایسه! فقط ایشک ایچنده شاعرلک ورساملق
کبی قلیج قوشانلر ایله پک ده وبلکه هیچ ده
آلش ویریشلری اولیان بعض او یغونسز شیلره
دوشکونلک عادتلی واردی . کوزل بر استحکام
شکلی یایق ایچون آیلرجه زمان چالیش-دیغمی ،
کوزل برطرامه چیزمک ایچون ینه بونجه زمانلری
بوش بوشه اولدردیکی دوشوندکجه جیلدیره جغم
کایور! یا وزنی یوق ، معناسی بر منظومه ، بر شعر
غرا دوشونمک ایچون کچه تا صباحلره وارنجه ده

قدر یتاق کنانده بر صاغه، بر صوله دونن شهر
وقافیه دوشگونلرینه نه دیهلم!

کړک شاعر لر، کړک مهندس لر بوسوزلایمی
کندی باغچه لرینه آتلش بر طاش ظن ایتسولر!
هر مسلکک یو لایسه اعور لر اولسون، حق
سلامت ویرسون! دیک نور حمزدر. بزم اصل
دیک ایستدیکمز شودرکه، بر شاعر ماوزر
ومارتین تفکر یله سلاح آموزه ایتک، بر مهندس
چفت قول نظامنده بولان بر طابوری کنیش
قول نظامنه کچورمک خصوصلرنده ایشه فصل
یبانجی ایسه، مسلک اعتبار یله، جدی بر عسکرده
بر غزلی تحمیس ایلمک، ییقلمش بر بایی طبق
معمار سان کبی یکی باشند یایمق خصوصلرنده
ایشه او یله یباجیدر!

دیرلرکه، بر اسان هر شی بیلیملی! دیرزکه،
هر شی بیلورم دعواسنده کزن بر عسکر هر شی
بیلیمان بر عسکر در! بن هر زمان بو فکرده یم.
وبو فکرله برابر اوله حکم. وظیفه سی اساس دشمن
اوزرینه قلیج صاوورمقدن عبارت اولان بر عسکر، بر
سهیا کور یسی، علی العاده بر کچید یاپه جق درجه ده

معلومات فنیہ صاحبی اولور. لکن یتشہ سکسان بیک
لیراق کارگیر کو پرسی قورمق رعسکرک الندن کلز.
چونکہ سونکی ایلہ کوسکی آرمہ سیدہ آشلمی
غیر ممکن بر مسافہ، بر فرق وارد ر.

وظیفہ سی اساساً غوغا ایتک، کندیسنه
ویریلان بر طاقی، بر بلوکی ایوجہ قوللانمقدن
عارت اولان رعسکر بر شعرك، ادبیات
مقاله سك قیمت کلامیہ سنی بیله جك بر درجہ دہ
معلومات ادبیہ صاحبی اولور. لکن بر صرف
کتانی یازمق، کرسی یہ چیقوبدہ شعر وادبیات
خواجہ لکی ایتک اونک الندن کلز. کلورسہ بیله یاقیشمز.
رعسکر مرشیدن اول بلندہ کی قلیجك حقنی ویرمہ پی
بیلملیدر. بو اونک ابدی بروطیفہ سیدر. یوقسہ بتون
مساعیسنی، ستون قوای ذہیہ سنی طوتدیعی
مسلكك خارچندہ بعض اکری بوکری یولارہ
صرف ایدن رعسکر، شیخ سعدینك، دیدیکی کی:

ترسم نرسی بکبہ ای اصرابی !
این رہ کہ، تومیروی بترکستانست.:

سوزینہ هدف اولور. لکن جدأ عسکر اولان
کیمسہ دشمن قورشونینہ هدف اولورده شیخك

بو تیغ کلامنه هدف اولمز ! اگر چکدن بر عسکرایله
 یالاندن بر عسکر آرمهنده کی فرق ایشته بودر .
 سوز بر آوازادی . فقط ضرری اولسه کرک !
 چونکه بعض اوילה حاللر کوزه چارپارکه ، انسان
 آرزو سیله دکل ، بالضروره اوزون سوزلرک آرقه سنه
 دوشمه یه مجبوریت کورور . مثلاً کچن کون بر ایکی
 کتاب ساتون آلق ایچون بر کتابچی دکانه واردم .
 بر ایکی دقیقه صکره سرت یوزلی بر صابط ایجری
 کیردی . کتابچی غولچ پاشانک (ملت مسلحه)
 سفی غالباً دکانه یکی کتورتشم اولملی که ، بیوک
 بر هوس تشویق ایله بر آاز اول بکا دیدیکی کبی
 اوکاده : « بکم ! شوکتابدن بردانه آلورمیسکز ؟ »
 دیدی . صابط کتابک اوزرینه صغوقجه برکوز
 آندقدن صکره : « آدم سنده ! اوילה صاچه
 شیلرک بکا نه لزومی وار .. » دیمسونمی !
 (ملت مسلحه) کبی بر اثری بودرجه تحقیر
 ایدن ذاته قرشو جواب ویرمک یاخود ویرمه مک می
 لازم کلور ؛ بر درلو عقلم کسدرمه مدی . حاصلی
 بن اوکا هیچ برشی دیمدم . و دیمکده حقم یوق .
 یالکیز آله پنی کتابلرک اسملرینی برکوزدن بکورمه یه

غیرت ایتمدم : مکر (ملت مسلحه) یه صاحجه
 شیلر دیسان ذات . (یکی شرقی مجموعه سی ،
 چوبان قزی ، و مجموعه لطائف) کی کرچک
 لطافت وجدیتلرینه شاشیله جق اثرلر آلیورمش !!
 برزمانلر ، دهامکتبدہ ایکن ، بردفعہ عثمانلی
 تیاتروسنه کیتمش ایدم . قبودن کیرر کیرمز ،
 آق صقاللی وسکسانلک طفسانلق بریسی کمال
 نزاکت ایله یانمه کلرک : « افندی اوغلم ! ملت
 مسلحه بی تکرار بکا کوندرسه کز بی چوق سویند-
 یرمش اولورسکمز . چونکه اونی برکره جک
 دهاکوزدن کچورمک ، طویه طویه اوقومق
 ایسترم ! » دیدی . بوساریقلی آدمک کیم اولدیغنی
 بن هیچ بیلیمیردم . فقط صکره دن آکلشدی که ،
 بی ارکان حرب ضابطلر ناندن بریسنه بکرتمش ایدی
 کچن موسملرک حزین بریادکارینی تشکیل ایدن
 شو کوچک فقره بی سویلمکدن املم شودرکه .
 زده سکسانلک ، طقسانلق اختیارلرک (ملت
 مسلحه) بی تقدیر ایلدکلری کورلدیکی کی بکرمیلک
 وتوزلق عسکرلرک دهینه عین اثری تحقیر ایلدکلری
 کوریلور شیلردن ایش ! (ملت مسلحه) بی

تركچيه ذات ماليكز ترجمه ايتمشكز دركه، چاليشقان
 بر عسكرك و طنمزه ايدم جي هديه لرك دها پيوكي
 يا اولور يا اوله مز . بو هديه كز د اوتري سز نه
 درجه، مختيار بر منزله چي قمش ايسه كز قيلحق
 كوكلنده طاشيان هر عسكرا اوبوك غير تكزك
 الى الابد منتداريدر . (ملت مسلحه) يي
 شيوه سنه طويلمز بر اسلوب كزين ايله تركچيه
 ترجمه ايتك ، ينه او (ملت مسلحه) يي آلمان
 لسانده تاليف ايتك قدر كوچدر . شوسوزمده
 بيلورم ، آزاجق مبالغه وار . فقط مبالغه سيله
 برابر يه بر حقيقت معناسني جامع اولان
 سوزلردندر . كرچك بويله در ! زيرا انسان
 (ملت مسلحه) نك بر كره فراسرجه ويا آلمانجه
 سسجه لريه بر كوز كزديره جك اولورسه ،
 اودرجه بيوك بر اترك تركچيه بو درجه نفيس
 بر شيوه ايله ترجمه اولنه بيلمسنده كي قوته حيران
 اولمسه سيله غبطه لرايدر ! بر (حربك سوق واداره -
 سي) نام اثرى ترجمه ايتك ، لسانمزه كچورمك
 لطفنى يسه سزك قلمكز د بكلرايدك . حتى بكا
 اوپله كاوردك ، بوندن غالبايكي وبلكه اوچ سنه اول

اقدام غرضتمی مذکور اثرک طرف عالیگزدن ترجمه
ایدمک اوزره اولدیغنی بتون عسکرلر بیلدیرمش،
مژملش ایدی.

معلوم عالیگز؛ (ملت مسلحه) عموم ایچون،
نه درجه فائده لی براترایسه (حربک سوق
وادارمسی) ده بالخاصه عسکرلر ایچون اوندن
هیچ ده آشاغی قالمیه حق برامیتی حثردر. یازیق که،
اهمیتی بودرجه یوکسک و آشکار اولان براتر، اک
صکره بند کزک المدن، قریق بر قلمدن کچرک
لسانمزه انتقال ایدم جکدر. لکن قصور بیده دکل؛
بالعکس سزده، سزک قدر و سزدن زیاده حائرکال
وغرفان اولانلرده در.

انصافله دوشونور ایسهک، شبهه سز تسلیم
ایدرزکه، غولچ پاشا حضر تلرینک کرک کنیدیسی
و کرک آثار قلمیه سی آلمانلردن صکره اک زیاده
بزه یقین، بزه دوستدر. ایش بویله ایکن نیجه ضابطلریمز
وار، آلمان لسانی پک ایوبیلورلر. ذات عالیگز
بردرجه یه قدر عذرلی کو سترمک المدن کلور.
چونکه مکتبه کی وظیفه لرکزک پک چوق اولدیغنی
بیلورم. لکن وظیفه لری سز نکیلر قدر اولیان

اوتەكى لسان آشنا ضابطا ريمزك شو. هم اثرى لسانمزه
 كچورم دكلرينه بر درلو تاسف ايتمه مك المدين كليور.
 آلمان لسانى كې، عسكرا و جانى دىنمكه "جدا"
 لايىق اولان بيوك بر منبع ضيا و كالدن قانه قانه
 استفاده ايدم. ديكمه نه درجه تاثر كوسترسه م يرى
 وار! (حربك سوق) واداره سى اك صكره بنم
 المدين چيقارمق تركش ديكنه ده آجيام ديسه م يالان
 سويلمش اولورم. لىكن بوكا قوشو: « هيچ يوقدن
 ايودر. » سوزى بنم ايجون بر سلاح مدافعه يرينه كچه رك
 او نكله تسلى بوليورم. اوچ سنه حربيه، اوچ سنه اركان
 حربيه صنفرلنده علوم عسكريه تحصيل ايله وقت
 كچوردك. ايكي سنه بر برى آردنجه غولچ پاشا
 حضرتلرى كې جهانده امثالى كرچك يك آز
 بولنور بر خواهه دن درس او قودق. لىكن يمين
 ايدرمكه، (حربك سوق واداره سى) نام اثر دن
 كورديكم استفاده اونلرك هپسندن چوقدر. بن
 شوبيوك عجزمله برابر اثر مذكورك هيچ بر زمان
 درجه كالفى تقديره جسارت ايدم. مام. فقط
 انسانك عجز و نقصانى هيچ اولمزه، فوق العاده بر
 شيشى آلفيشلامه يه مانع اوله من. اونك ايجون

هر محيغه سي حرب صنعتك بر تطبيقات باعجه سي ديمك
 اولان بو اثره هر زمان حيرتلى ايله باقمه جقم.
 تقديره ايتمك المدين كلسه بيله، حيرت ايتمك اقتدار
 نى كوسترمك ده بنم ايجون بر شرف يرينه
 كچه بيلور. اوت! بنم ايجون بو كفايت ايدر.
 اردوى هايونلرينك تزبيد شان و سطوته
 هركون بر بشقه درلو انعام و احسانلرده بولان
 سوكيلى پادشاهمز اومدمز حضرتلرينك سايه
 ملوكانه لرنده هر شیده اولديمي كبي، علوم عسكريه يه
 دائر يازيلان اثرلر كوندن كونه تكثير ايتمه يه
 باشلادی. بتون اسلاملك نوردیده سلامتي
 اولان ذات اقدس حضرت شهر ياريلرينه
 قرشو هر كسك وباخصوص عسکر قوللرينك
 اك پارلاق وظيفه سي، اغور شاهانه لرنده
 جان فدا ايتمك شرف عال العالنى جابه منت بيلمكدر.
 غوغا يرلرنده سوكيلى پادشاهلرينك نام اقدس
 شهر ياريلرينى ذكر ايدرك سوينه، سوينه، كوله،
 كوله جانسپارلى ايدن عسکرلرك وقت حضر
 يده كي وظيفه لري منسوب اولدقلى مسلك و صنفك
 ترقى شان و معارفنه خدمت ايده ايدمه نه فداي
 حان اتمكدر.

سایه حضرت پادشاهیده ترجمه ایلهدیکم شو
 بیوک اثر، اردو مزده کی بتون ضابطانک معلومات
 عسکریه لرینی اکیال ایده جک برخزیننه فتون صرمه -
 سنه کچسه یری وار.

اثر عاجزانهم ذات عالیکنزه هدیه ایلمشدر
 لطفاً قبول بیورمکنزی رجا ایدرم.

سواری مکتوبلری [*]

سواری مکتوبلری : زمانمزده سوارینک اهمیت
 بوصفک لروم وعدم لرومنه دائر منازعات . آلمانیا
 ایمپراطوری حضرتلرینک یاورحرربی (پرنس هوهنلوئه) نک
 فکری - « برسواری اون پیاده به مال اولور . » سوزی
 طوغریمی ، یالانمی ؟ اوخچی ناپولیونک (سدان) حقنده کی
 اثری ، کچمش زمان سواریلری زمانمز سواریلرینه نسبت
 اولنه مز . (۷۰) سفرنده سواری اوتنه کی صنفلرقدرايش
 کوردی . سواری بی مستقل یشاتمق پک یا کلش بر فکر دود .
 سواری پیاده نک معاونیدر . سواری ایله پیاده بیننده کی نسبت
 وبوکا اجرای تأثیر ایدن شیلر .

برنجی مکتوب

صوک سفرلریمز متعاقب عسکری محررلرینک

[*] آلمانیا ایمپراطورینک یاور حربلرندن و محررین
 عسکریه نک اک « مروفلرندن پرنس هوهنلوئه نک آثار
 مشهوره سندن آلمشدر .

بر جوڻي طرفن آري، آري مباحثه چڱلش
 ڳڻه او وجه ايله تقدير ايدلمش اولان سواري
 صنفنك قيمتي حقنده کي فڪرم نه در، نه دڪل، بوني
 بندن صور پورسڪ. بو مسئله بني ايجه بيوك بر
 اضطراره دوشور بود. زيرا طبيعيدرکه، هر صنف
 عسڪري ضابطلري اك چوق ينه كندى صنفى
 اوزرينه معلومات، ايديشم بولنورلر. طويجى اولديغم
 جهتله شو خصوصده نى طرفانه بر محاكمه قوره.
 بيله جكم كبي مواقع عسكريه دن بشقه صحرا محاربه.
 لرينك بر چوغنده سواري نى كورمش و حرڪات
 عموميه سنى جداً تعقيب ايلمش بولديغم ايچونده
 او صنف اوزريه بر وقوف عميق ايديشم اولان.
 نلردن صايلورم.

طوغريدر، بو سويلدكلرك اصلى، اساسى
 اولمدق شيلر دكل. فقط بنم شو بنحه عائد افكاريمى
 تحريراً بيان ايديشمده پك محدودرسز اولمسه
 كر كدر. بونك ايچون فڪرم، على الخصوص، الى
 آلتده ايكي صنف عسكر بولنان برفرقه قوماندانى
 ايشى فصل تدقيق ايدپورسه، مسئلہ نى احوال
 عموميه سيله كوزدن كچورمك و قطنى بر لروم

کورلدیگجه سواری اوزرینه تفرعیت ایله
اوغراشماقدور.

اڭ اول بو ماده اوزرینه ایدیلان منازعه نڭ
آلمش اولدینی شکل بیانی اوکنده صوڭ درجه
تأثره دوشدیکی سویلمه یه مجبورم. چونکه بویله
اساسی اولدق واهمیتسز مناظره لر هم ضابطانک
حیثیتلرینه یاقیشمز، هم ده کوزل نتیجه لر حصوله
کتوره مز.

حرب ائاسنده پیاده صبی، کندیسنی تامیله
دشمنک وضعیتنه کوره بولندیران وکمال سکون
و آسایش ایله دیکلدیرن سواری صنفنک ایلریده
اولدیغنی بیلورسه شبهه یوق که، پڭ لطیف و امین
بر حال ایچنده قالور. وکیچه کلنجه بالطبع دشمن
ایله تصادف ایتک احتمالی اوزاق اولدینی ایچون
ایستدیکی کی او یور، اکسیکلرینی بر طرف ایدر.
دیگر بر جهتن سواری بر دشمن قوتنک
هجوم و تأثیر یله بر کجید اوزریه آتیلوبده، اورا-
سنگ کندی پیاده سی طرفندن اشغال ایدلش
اولدیغنی کوردیکی زمان اونک کیروسسندده
سربست ودها امین بر حالده پشار و دیکلنور.

شوکی حاللرده اویله بیهوده وسورکلی مباحثه لر-
 دن زیاده صنوف مختلفه ضابطلری بیننده وقوف
 و معلوماتجه اشتراك اولمیدر. چونکه بو خصوص
 اولنرك كوكلارینی برلشدیرمه یه و آره لرنده كركچك
 صمیمی بر دوستلق فکری حاصل ایتیه خدمت
 ایلر.

مختلف صنفلرك تأمین حیات و مقصدلری ایچون
 بك لازم اولان بو حس اشتراك و معاونت سفرلرك
 حتامندن بر آرز وقت صکره لرینه قدر دوام ایدر،
 یورور. لکن بوندن اوته کی خطوه لرده آرتق
 ایشك ایچنه ادبیات کیرر. ادبیات ایسه الك چوق،
 بك اكسیك و بعضاً صرف یاكلش اولان و هر
 حالده وقوعاتك جریانی اوکنده بولنانلره نسبة
 هیچ بر زمان حسیات شخصیه نك بر تصویر کالنی
 وجوده کتوره میان حکایات و معلومات اوزرینه
 استناد ایلر. زیرا الك کسیدیرمه واک قوی بر
 مقصدنده بیله تاریخ یالکیز، حقیقه ظهوره
 كلش اولانی کوستره بیلور. لکن وقایعك زمان
 کحدوثی و حتی اصول جریاتی کوز ایله کورنلر
 ایبی شکل ماده یی طبیعت اصلیه سیله ایضاح و تعریف
 لیه مز.

بواساس اوزرینه محررلر بر جوق طرفلرده
 کوردلیکی کبی، مثلاً قوجه بر صنفک محو و ازاله-
 سنه یورورجه سنه بعض تکلیف و تعریضلرده
 بولنمه دن اصلاً چکنمه مشلردر . ایشته بووجه ایله
 اولر، صنوف مختلفه ضابطاننک معلومات عسکریه
 لری ضرر و زیاننه خدمت ایلمشلردر .

بونک ایچون وقوعات جاریه بی ممکن اوله
 بیان بر مقصد ایله تنوع ایتک و بعض کره لر
 امثال وقواعد حربیه صرمد سنه کیرمک اوزره
 بولان یا کلش مطالعه و نظریه لردن جدی براعتنا
 ایله صافتمق لازمدر .

نیجه محررلر بیچاره سوارینک حق موجو-
 دیتی بیله اسکار ایتک املنده بولنمشلردر .
 اولنلردن بری ، مثلاً بر سواریمک اون پیاده مال
 اولدیغنی سویلد کدن صکره (۱۸۷۰) سنه سنک
 نهایت آیلرینه طوغری اکر پرنس (فرهدریق
 شارل) قوماندنده سنده کی (لووار) اردوسی ، (۲۰)
 بیک سوار ییرینه (۲۰۰) بیک پیاده قدر زیاده
 بر قوته مالک بولنسه ایدی خصم اوزرینه دهها
 مؤثر و دهها سریع برتفوق حصوله کتورمش

اوله جفنى دعوا ايدىور . گويآكه اردولرك تشكىلى
يالكىز عاىدى برماليه حساب ومعامله سندن عبارت
ايش ! گويآكه بواردولر اون بشىنجى عصر ك
اخىرنده كى اردولر كى يالكىز كيسه قوتيله ساتون
آلتور ويلاستىجار اولنورلر مش ! . سىئله لك جهت
ماليه سنى بز شىمدىلك بركاره براقه لم (كرچه ،
اونىده مناقشه ايدى بيلوردك) .

شوافاده نك صاحى برشىئى هيچده نظر
اهمىته آلاماششدر . خدمت موطعه عسكرى يه
مخرج واساس اولان وحرز زمانده هر صاعلام
آدمى آندىسنه طوغرى چكوب كوتورن بر
اردوده ، عسكرلاك ايدى بىلردن اولجه ، استفاده
ايدىلش اولسنى كوره ، بردن (۲۰) بىك سوارى
زىنه (۲۰۰) بىك پياده چىقارمق ممكى دكلدر .
يالكىز بوراده ياپيله جق برشى وارسه اوده (۲۰)
بىك سوارى يى (۲۰) بىك پياده يه تحويل ايتك
وجييده بر آز فضله ياره بولدىر مقدر . شوپاره
بزده قالسه ، ينه باس يوق . . لكى بزده قالمى جق
اوكا يانارم .

چونكه قوتلى سوارى سنك استكشافى سايه سنده

وضعیت و حاملزی پك طوغری اوكرغش اولان دشمن سفرك اوائلنده ايكن دها، برتفوق سوق الجیشی قازانه رق عليهم زده ، شدتلی برحرب اجرا ایده بيله جکدر . سائر بعض محررلر آکلا - شامسی قولای برخصومت ايله بوهجوملره قرشو مقابله ده بولنديلر . فقط نه فائده سی وارکه ، اولرده کندی نوبتلرنده اصل هدفك اوته سنه کچهرك سوارينك خواص قابليه سی پك سويلی وکوزل رنکدر آلتنده کوسترمه یه چالشمشلردر . بزبوکاده حیرت ایتیملم .

اوچنجی ناپولیون (سدان اسارتنی موجب اولان اسباب) عنوانی اثرنده بوپارلاق کونك بتون واسطه شرف واهمالی یالکیز بزم طویجی رسوایمزدن عبارت اولدیغی سویایور . بوندن بشقه مشارالیهینه بوسوزینی ۲ کانون اول ۱۸۷۰ده پروسیاقرالیه کوروشمش اولدینی برمجلسده دخی سويلمشدر . بن بونی پك امین بریردن ایشتمش اولدیغم ایچون فصل اینا یورایسهم بشقه لرینك ده اويله اینانغسی ایسترم .

حال بوکه ، دیدیکم عسکری محررلرندن

هیچ بریسی اورتیه جیقوبده ناپولیونك شو
سوزی پیاده نك محو وازاله سنی طلب ایچون
بردلیل اوله رق کوسترمه مشدر . لکس اولر پیاده
وسواری بیننده اساسلی برافتراق وجوده کتورمك
وکندیلمینه کوره مستقل سواری یغینلریله
یاپیله جق دهشتلی محوملك بیوک نتیجه لریله
بوافتراقك پلك متناسب اولدیغنی حقلی کوسترمك
ایستیورلر . ایکی صنف بیننده بولنمسی لازم کلان
مناسبات اوزرینه واقع اولمش بوکی قلم غوغالری
برسفرک بدایتنده پك فنا نتیجه لر حصوله کتوره .
بیلور . تصور ایدیکزکه ، برپیاده قوماندانی
شووجه ایله سواری حقنده یاکلش فکرلر
وامیدلرده بولنمش اولسون تجربه اوی بالعکس
بعض مشکل حیرتله دوشورده جکدر . لک
سفرده حیرت وتلاش ایچنده قالان برقوماندان
علی العاده یاری مغلوب اولمش دیمکدر . یوق
اگر بوآدم سوارینك خواص طبیعیه سینه دائر
بوصنفه دشمنش اولان برمحورک یاکلش فکرلرینه
قاپلمش ایسه اوزمان اونی قوللانمقدن چکینیور .
اونکله هیچ برمناسبتده بولنمهی ، هیچ برایش

برابر کورمہ بی ایستمنی . شو کجی حاللر ایسہ
 بیوک بیوک ہزیمت لرہ سبب ویرمش اولہ جقدور .
 اولہ ایسہ ؛ هیچ شبہہ ایتمدن سویلیہیم کہ
 مذکور صنفلر آردہ سندہ کوریلہ جک ہر اختلاف
 دائما پک اغورسز نتیجہ لردن بشقہ برشی حاصل
 ایتیمہ جکدر . بالعکس اگر ایکی صنف اہالیسی
 وجدانی بر محبت ایچندہ یشار و معلومات عسکریہ لرینہ
 کورہ بر بریہ یاردم ایتیمہ چالیشور لر سہ بوندن
 پک ایو نتیجہ لر بکلنہ بیلور . بر برینی جاندن سون بعض
 آلا یلرک بردکل ، برقچ کرہ شودیدیکم کجی حرکت
 ایتدکلرینی و کرچک بیوک ابشارہ موفق اولدقلرینی
 کوزملہ کوردم ؛ اونک ایچون بویلہ کسدرمہ دن
 سویلیورم .

سوارینک قیمت عسکریہ سی و طرز استعمالنہ
 دائر اولان فکر لرہ کلنچہ ، اونلر اوتہ کی صنفلرک
 هیچ بریسندہ کورلمہ دک درجہ دہ بر برینہ اوزاق
 ویبانجی بولنیورلر . فکرلرک بودجہ طاغلق
 و پریشان اولسی نہ دن ایلری کلیور باق سکا برر
 برر آکلاتہیم :

سوارینک کچمش زمانلردہ کی شانلی فتوحاتیہ

هوك سفيرده سوارى يفتلى طرفدن يايان
 محدود برقاج هجوم ايله يان يانه كتور يورلر . فقط
 كچمش زمان سواريسيله شمدىكى زمان سواريسى
 پينده شووچه ايله بوى اولچمك ايستانلر يك
 ياكليورلر . اوچ سيليزيا سفرنده همان هيچ بر
 ميدان محاربه سى يوقدركه سوارينك قليجى سايه .
 سنده كوزل برنتيحه ، پارلاق برظفر ايله نهايت
 بولش اولمسون . ياخود هيچ اولمزه ، مصادمه
 يرلرندن برداهه سى يوقدركه ، سوارينك نعللرى
 آلتند ازلش بولمسون ! حتى هر زمان ديللرده
 داستان اولان (روسباح) مظفريق همان يالكز
 باشنه سوارينك همت وجلادتى سايه سنده قازانلمش
 ايدى .

(۱۸۷۰ — ۷۱) سفرينك تاريخى يكرميدن
 زياده بيوك ميدان محاربه لرندن ، ورچوق محاربه لر
 ايله تصادفى غوغالردن بحث ايدور . شو بيوك ،
 كوچك صدمه لرده بربرينك قانى ايچمك ايستان
 يفتلرك هبسى يدى ييل سفرلرينك بيوك بيوك
 صدمه لرنده قرشو قرشويه كلان اردولردن يك
 جسيم ايدى . حال بويله ايكن ، بتون شومهم ايشلر

اٹناسندە يالكىز (مارس لاتور) دە پروسيالىلر
 (وورت)، (مارس لاتور) و (سدان) دە فرانسىز
 طرفدن بيوك سوارى هجوملى ياپلمش ايدى.
 بونلردن بشقە برده (لوواينى) هجومى وارگە،
 اوى اجرا ايدن سوارى آنجىق برلوا قوتسندە
 برشى ايدى.

شوحادثەلر برنيحە عسكىرى محررلر ك سوارى
 اوزرينە يالين قايج يوريمەلرينە بر صورت عمومىە
 دە مذكور صفك آرتقى بىستون قيمت و اهميتدن
 دوشديكنى هر كسە قرشوا اعلان ايتلمرينە سبب
 ويردى. حال بوكە، اوتە طرفدە (روسباخ)،
 (لويتن)، (هوهنفریدبرغ)، (ليبرت وولقويچ)،
 (لائون) و (هايناو) كونلرينى دائما رؤ يالرنده
 كوردن سواريلر، يازدقلىر، شيلردە عصرلر
 ايچنە كوميلان بو پارلاق كونلر ك تىكرار عودت
 ايدە جكنى اونوتمقدن ايسە سوارينك صوك
 سفرلردە ايوجە قوللانيله مديغە دائر سوز
 سويلمەنى دها جوق سويورلر.

صوك سفر ك وقوعات عسكىرى سئە بن دە
 اشتراك ايتمش ايدم. سواريمزك پك فائىدەلى

اولان حرکاتنی گوز ایله گوردیکم ایچون بوکبی
فکرلری پروتستو ایتمهیه، صوک سفردہ سوارینک
اساساً پک ایو بر طرزده قوللانلیغنی واوته کی
صنفلر قدر . اونک ده آلمان مظفریاتنه اجرای
تأثیر ایلدیکنی سویلمهیه مجبورم . بودید کارمی
صاقین قوری برلاف ظن ایتمه ! بن اونلری برر
برر اثبانه حاضرم . شبهه سز (هوهنفرید برغ)
ده گورلدیکی کبی هیچ بر سواری آلاینک
(۶۶) دشمن سنجاغیله برلکده کیرر دوندیکی
گورلمدی . چونکه سواری صنفی، حال حاضر
تشکیلاتنه کوره، آرتق بیوک قرالمر دورنده کی
اوتہ کی صنفلر اوزرینه عددجه پک جسیم بر
تفوقی حائر دکلدر .

اسلحه ناریه نک درجه کاله ایرشمنسی،
سوارینک بتون ظفرلرده واسطه شوکت و اقبالی
اولان سرعت ایله حرکات عمومیه سنی یکی باشند
تحدید ایلدی . ینه شبهه یوق که، سواریده سرعت
خاصه سنک تطبیقاتندن بریسی بوزیلان بر دشمنی
تعقیب ایلمکدر . او یله ایکن ، (۱۸۷۰) حربنک
اکثری صوک میدان محاربه لرندن صکره تعقیب

حرکتی یابلمدی . لکن ایشك اریج رسی
ایجاب ایدن سیلر وارد ر . اولردن بوی مثلاً
دشمن بوزلدقدن صکره کندیسنه بیوک ، بیوک
سپرلر کیروسنده صغیه جق یر بوله یلمش ایدی .
حال بوکه ، کسیدییه قدر دها کیمسه چیقوبده
سواریدن استحکام وقلعه لری صط ایتک کی
برشی ایستمه مشدر ! دشمن اردوسی کاملاً
اسیر دوشدیکی زمان کدک سوارى ایچون تعقیب
ایدیله جک برشی قالمز . ساء علیه شو نقطه ده
سوارى بی مؤاحده ایتیه کیمسه مک حق
یوقدر واوله مز .

قیش سفرى اتاسده جاری اولان برخیلی
بیوک میدان محاربهلرنده ایسه زمینک هر طرفی
اورتن اینجه بوز طبقه لری سوارینک خاصه قدیمه
سنی ، سرعت حرکتی محو ایدرک بوجه ایله آنی
مؤثر تعقیب حرکتلری یایعقدن منع ایلیمش ایدی .
لکن اوتیه کی میدان محاربهلرده بالعکس ، یوک

قازانچلی و کارلی تعقیب حرکتلری وقوعه کلدی و بوندن اوتری پک پارلاق نتیجه لر استحصال ایدلدی . سوارینک تاثیر، سوق و استعمالی هر وقت مؤاخذه دن بری اولدیغنی سویله جک قدر ایلری کیده مام . باله کس، شوفرک بنم سمتمه بیله کلش دکدر . چونکه بیلورم : انسان الندن چیقان هر شیده براکسیکلک وار؛ کمال یالکیز برالله مخصوصدر . (۱۷۷۰-۷۱) وقایعنده سوارینک یاپدینی مسامحه و قصورلر، پیاده و طوپچینک کیلردن آزدکل؛ فقط چوقده دکل ..

سواری صنفنه ییابنجی اولان برعسکره ، اونک شو قصورلرینی آرامق و یوزینه اورمق یاقیشمز ! ایشته بونک ایچون بنده اووجه ایله حرکت ایتمکدن ب زیاده صاقینه جغم . هر کس کندی مسلکندن، کندی وظیفه سندن مسئولدر . سوارینک تربیه سی، سوق اداره سی، اوتیه کی صنفلردن پک زوردر . و سواریدن ایستدیکمز شیلر بیودکجه بومشکلات کذلک بر دوزی به دوام ایدر، بیور . بوکونکی کون سواریدن ایستیه جکمز شیلر پک چوقدر . بزیا لکیز برقاچنی سویلیلم .

حال حاضر یدہ سواری ضابطہ لری کرک بارہ صرف
ایتمک و کرک مادی و معنوی یورغونلق چکمک
جهتیه اوتہ کی صنفلر ضابطانندن زیاده فدا کارلق
ایتمیه ، کندینه وزیریلان وظیفه یی باشه چیقاره
بیلیمک ایچون اونلردن زیاده چالیشمه یه . او قومه یه
مجبوردر . سرت برقول ، کوزل برقلیج
ایو برآت و جسارت کوزل برسواری اولمق ایچون
برزمانلر یک اعلا کفایت ایدیوردی . بوکون
شو دیدیکمز شرطلر ، یالکمز شرائط اولیه
طبییه دن صاییلورلر . شیمدیکی زمان اسلحه
ناریه سی اودرجه کمال وقوت صاحبی اولمشدرکه ،
سواری کندینه اصابت ایدن وظیفه لری باشه
چیقاره بیلیمک ایچون یورلمز برغیرت کوسترمه یه ،
نیجه بیک مشکل ایچنیده یوزمه یه مجبوردر .
لکن شیمدیکی زمان سوار یسنک بو وظیفه لری ،
حد ذاتده ، کچمش زمانده کی وظیفه لردن هیچ
بروجه ایله فرق ایتمیور . یالکمز بعض الک پارلاقلری
رآز نظر اهمیتدن دوشدیکی کبی ، عادی ظن
اولتالار بالعکس دها زیاده کسب قوت ایلدیلر .
حاصلی بونلرک برنی و یادیکمی که زحلہ باشه

چيقارمق اصوللرى اسكى زمانلردن زياته كوچ
 برحاله كيردى . كنديسندن بكنيلان شوووظيفه لر
 اونستندن كلمه يلمك ايچون سوارينك نصل
 چاليشديغنى بيلورز . سوارينك يكي تعليمنامه سى ،
 ينجيلكه دائرى يكي اصول تربيه سى ، مطالعه ايچون
 ياپيلان سياحتلر ديدكمز مساعينك اك آچيق
 برهانلريد . بن يالكز شو اوچ نقطه يي ذكر
 ايدىيورم . چونكه اونلر سوارينك يكي تربيه
 پروگرامده اك مشكل بررموقع طوتيورلر .

سوارينك چاليشمسنه دائراولان شوسوزلرم ،
 وقت حاضرده مذكور صنفك آرتق شاهراه
 ترقيده يوريمه اقتصدارى قالمديغنى كوسترمش
 اوماز . بالعكس بن اويله بر طنك دشمنى يم .
 كرچك ، تعقيب اولنان مقصدك ، دها آزاره وقوت
 صرف ايدەرك ، بران اول حصولنى تامين ايدرن
 مسلك سواريلك ايچون بر ترقى صايلور . نك
 بنجه مكن اولان شواصلاحات ايچنده اك بللى باشلى
 نقطه لر سواريلك وظيفه سنك يبانجيسى حكمنده
 قاليورلر . زيرا ، اونلر ، سوارينك اصول
 تشكىلاتى ومانورهلرينك سوق واداره سى كى ،

اکثریا مذکور صنف اربابندن اولیان بعض
جنراللرک وضع و ترتیب ایلدکلری شکیلر متابع
اولیورلر . و عادتاً بونلر ایچنده سونوب کیدیورلر .
سواریلر پیاده‌نک قطعاً آیرلمسی ، مستقل
سواری فرقه‌لرینک تشکیلات دائمی ، و بر
جوق سواری ضابطلرینک یازدقلری کبی اونلری
برر مفتش عمومینک ریاستی آلتنه ویرمک اووجه
ایله اداره ایتمه‌ی بنجه پک الوریشلی کوسترمیان
سیلردن بری ده شو براز اول دیدیکم خصوصدر .
زیرا سوارینک کوره‌جکی وظیفه‌لر ، بتون
اردونک حس ایلدیکی احتیاجاته کوره تعیین
ایدیلور . یوقسه اونلر ، هیچ بروقت کؤک
یوزندن زنبل ایله اینمز لر ! حاصلی سواری
طرفندن کوریلر جک وظیفه‌نک طبیعت اساسیه‌سی ده
کوزل میدانه قویه ییلمک ایچون یکانه چاره
مذکور صنفک اوتیه‌ی صنفله قطعاً برلشمش
اولمسیدر .

سواری کربستون اوتیه‌ی صنفردن آیرلمش
بولنورسه ، اوزمان افکار تفرده غائله‌سینه دوکلش
اولورکه ، بواونک ایچون بیوک برتهلکه‌در ؛

سوارچی ٹک باشنه قاتلجه هر زمان مستقل
نتیجه لر استحصال ایده مز. بتون اردولرک یالکگز
آتلی صغندنه تشکیل ایدیه بیلیمش اولدی بی زمالر
بزدن ایجه اوزاق بولور لر. سواری طوبچی کی
آنجق کندیسنک پیاده یه معاون بر صنف اولدیغنی،
بو کوزل حقیقی، بیلرک مصادمه یرلریده کوزل
کوزل نتیجه لر قازانه بیلور. اصل اردو، پیاده
صنی در. و بوصفک طوبچی یه بصل احتیاحی
وارایسه، سواری یه ده اویله احتیاحی وارد در.
سواری آنجق پیاده ایچون چالیشمه یه مجبور در.
و کندیسندن بکلنیلان وظیفه لرک جس و طیعنی
اوکره نمسی ینه آنجق پیاده صفیله صیق، صیق
کوروشمک و تماس حاصل ایتمکه اولور. نته کیم
پیاده صنفی ده سواریدن. ایستیه جکی وظیفه لرک
جسنی لایقی وجه ایله تعیین ایتک، و انک معاوتندن
بکلیه جکی نتیجه لرک قیمتنی اوکره نه بیلیمک ایچون
ینه صیق صیق اونکله کوروشمه یه مجبور در.
بزم شمیدیکی تشکیل آتمزه کوره، سواری
مفتش عمومیی یالکز مد کور صفک بیوک
ماتوره لر یه کیده رک تفتیشنی یابدقن صکره، لازم

گلان راپوری مقام حکمداری به تقدیم ایلر.
 بنم فکریمه فالورسه، بواصول اوتہ کیلرینه
 ترجیح ایدیلہ جک بریولدر. اگر مفتش
 عمومینک اداره سنہ تابع اوزق اوزره، ایام صلحدہ
 تعلیم و تربیہ نک یکدنق جریانہ باقق وایام
 سفریہ ده سواری فرقلرینه قوماندایتمک و طیفہ
 سیلہ ایکنجی درجہ ده برر سواری مفتشی دها
 علاوہ ایدیلورسه، اصول مذکور بسبتون ایوبر
 اصول یرینه کچر، صابورم.

سوارینک آرہ دن قالمسنی ایستمدکن ایسہ
 اہمیتی آزماش دنیلن صنف مذکورک عددجہ
 تنقیصنی ایستمدک عحما دها یواولمز می ایدی؟ سوا-
 ریلہ پیادہ آرہ سنده کی نسبت اوزرینہ پک چوق
 یازلدی، پک چوق منازعہ لر ایدلدی. بو نسبت
 ہر زمان، اردولرک وادوار حربیہ نک طبیعتہ
 کورہ دیکشدی. بن شویلہ برنسبتک وضع و تعینی
 مسئلہ سنی نظریاتجہ اک اشاغی، اک اہمیتسز محفلردن
 کورییورم. تہلکہ زمانندہ ممالکتک بتون قوای
 موجودہ سنی حال سفریہ به وضع ایتہ بہ مساعد
 اولان تنسیقات عسکریہ مزک یگانہ اساسی یعنی

مجبوریت عسکریه اصولی قرشوسنده، بر آزاو
دیدیکنز نسبت آ بحق مملکتک منابع طبیعیہ سندن
حاصل اولہ بیلور .

علی الخصوص حربک ایلک زمانلرنده سوار-
ینک و طیفہ سی، او قدر مهم، او قدر واسعدرکہ،
سفرہ کیرمہ یہ حاضر سواری بولق ایچون اکثریا
صیقندی بیلہ کوریلہ جکدر. بناءً علیہ انسانلر
حقندہ اولدی بی کبی، سفرہ کیرمہ یہ قابلیتی اولان
بتون بارکیرلری مملکتک مدافہ سی یولندہ
قوللانمق لازم کلور . بورادن اکلاشیلورکہ،
سوارینک قوۃ عمومیه سی مملکتک بارکیرلر
یتشدیرمک خصوصندہ کی حاصلاتی تعیین ایدہ بیلور.
یوقسہ یبانجی مملکتلردن پارہ ایلہ صاتون آله حق
اولان بارکیرلرک یکونہ باقہ رق سواری ایلہ پیادہ
آرہ سندنہ کی نسبت و موازنہ و نسبتی کو سترمک اصلا
معقول برشی صاییلہ مز .

عسکر مکتوبلری

عارف بکہ

سنکله کچوردیکم کونلرک هپسی بنجه بر

بايرامدر. بيليرسك ، تاگوچك ياشمىدن برئى سنى .
 قرداش ، قرداش دكل جانم كى سويورم. ديرلر كه ، بر
 عسكر ايله برسيويل هيچ بر زمان كچينه مزارمش .
 يالان ! اكر بوفكر صحيح اولسه ايدى ، شېه سز
 بر عسكر قرداشك بر سيويل قرداشله اصلا كور-
 يشمه سى لازم كلوردى ! امتزاج البسه ايله ،
 قيافت ايله اولمز . بالعكس امتزاج فكرلرده ،
 كوكلارده اولور ، برلشن فكرلر ، سويشن كوكلار
 ايجون قالپاق ويا فاسك ، قليج ويا قلمك تاثيرى
 يوق ، بويله در ..

كچن ياز بهار موسمنده بر كره تپه باشى تيارو-
 سنه . كيتمش ايدك ، بيليرميسك ! ايجه خوشمزه
 كيدن اويونك زمينى ، قهرمانلى بر عسكردن ،
 بر سفر دن عبارتدى . زمينك بتون الوان
 طبيعى سى ، قهرمانك بتون فضل جنگاورانه سى
 برر برر ذهننده قالمش .. لكى اويونك هيئت
 عموميه سنى صره ايله يوزيده جك اولسم بيليرمكه
 اصلا باشه نچيقه ميه جغم . سىك قوؤ حافظه ك
 نمكندن زياده اميندر . يغبين ، يغبين شعرلر ،

پیچیم پیچیم سوزلرله طولو اولان بوکوزل
 چغینه شیهه سز دیدیکم اویونک هر پرده سنی
 و بلکه هر فصافی برر بر حافظه انامه نقش
 ایده بیلور.

آمریقا سولر نده نعلسه بر قیایه چار په رقی دکزک
 دیانی بویلامش اولان برکینک قضا سندن ، فلا-
 کتدن بحث اولنیوردی .. اویله دگلی ؟ شوقره
 خبر فرانسه یه کلدیکی زمان هر کس بیوک بر
 هیجانه دوشمش ایدی .. اویله دگلی ؟ هله شومیلیونله
 جان ایچنده سیاهلره بورونمش برزوجه ، بروالده ،
 برهمشیره حاضر اولانلردن واک زیاده سنک
 کوزلرکدن اینجی دانه سی کبی یاشلر آقتمغه
 باشلامش ایدی . اویله دگلی ؟

هیج ! کندی حاللرینه کوره سویعلی
 بلک سویعلی بر حیات ایچنده زمان کچورن بوکوچک
 وک اویله یاسلره بورینمش اولمسی نه قدر آجیقلی
 برمنظره ایدی . هر کسله برابر سنک و بنمده او
 سیاهلره کومولش یاشلر و یاشلر قادیترک دوشدیکی
 فلا کته آجیه من لازم کلیوردی . هیج اونو تمام !

شو وقعه دلسوز اوزرينه سن بكا ديش ايدك كه
 «عسكرلك نه بيوك شرفدر! انسان اوموزينه
 سپاه برجاكت بلنه برقليج طاقچه
 هر كس نظرنده بيور، بشقه برانسان اولور.
 هر كس اوقيافته پرستش ايدرجه سنه رعایت ايدر.
 بر زمانلر اسكندر ايله برلكده پنجاب صحرا رينه
 كيدن، عجملك باشنه اوق و صيان ملاشلى ياغديران
 بر نفر، اوزمانك وبوزمانك خلقى نزدنده شه سز
 (آنتى پاتر) دن شرفلى بر موقع طوتار !

« كرك طوغرى، كرك ياكلش ! طبع بشره
 نصلسه اموزينه بر تفك آلمشده صرب ويوكسك
 بر كجيد كنارنده قره غول وظيفه سى كوردن بر
 نوبتجى نى، سوسلى و ظريف بر ماصه باشنده شيفره
 حل ايدرك زمان كچوردن بر تلغرافجى يه نظراً ده
 حالى كور يور. شمدى فرض ايت كه، بن انسانلغه
 مخصوص بتون كوزللكارى كندى اوزرمده جمع
 ايتمش، فصائل بشريه نك هپسنى بر آرمه كتورمش
 اوله يم نافله ! بر عسكر يالكز ياشاديني
 يردنه دكل، هر يردنه، جهانك هر كوشه سندم

شان ولقبائه حسد ایدیلور ، بر مخلوق گزیندره .
 سوزك قيصه سی : بن عسکرلره نصل حرمت
 ایدیورسم ، عسکرلکده اوندن زیاده مفتونم .
 بیلیرم ، که سنك آغز کدن چیقان شو
 بیوک لافلر ، بلاغت لسانی ، بر قات زیاده حسن
 و آنی تزیدایدن اویرامز آقتریسك شیوه سندن ،
 جلوه سندن ایلری کلمش دکلدی . کر چه کوکل
 یاقیچی بر منظره نك قهرمانی ، بیوک بر حادثه نك
 ترجمان آ تشربانی حکمنده اولان کوزل بر قز
 علی الخصوص ، کوزل بر فرانسز نریمه باقسه
 اوراسنی یاقق ، علولر ایچنه صارمق اقتدارینی
 حائزدر . لکن یوصونلی بر قیایه استناد ایدرك
 نوبت بکلیان ایری بویلی بر حریفی ، کوزل بر
 سالونك هر کوشه سنه اوزمه نه ، اوزمه نه جلوه لر صاچان
 اینجه بویلی ، بر قزه فائق کوسـتره جك
 کوکلر یوق دکل . از جمله بو چلیکدن برادلمش
 کوکلرك اك پارلاق بر نمونه سی ده سنسك !
 اما شو فکر دن او تری بزه قبا صپا انسانلر ديه جکلرمش
 قو دیسونلر !

بن یارین تسالیایه کیدیورم . یونان سفینه
 اشتراك ایتک بنجه وسنجه بیوک یر امل یرینه
 کچمش ایدی . بر مکتوبکده هنوز تسالیایه کیتمه مش
 اولدیغم ایچون بکا کر چکدن کوجنمش کی سوزلر
 یازمشدک . تشکرایدرم ! مقدس بر امله قرشوتشویقک
 پک کوزل بر تشویقدر . لکن سن ده کلسهک
 اولزمی ایدی ؟ . بن عسکرایکی کوکلی کیدیورم .
 یاس عسکر دکل ایکی ، عجبایچون کوکلی
 کیتک ایستمیورسک ! بیلیم ! بیلیم .. ایشلرک
 مانع اولسه ایدی ، سس ده کلور وکوله کوله
 کلوردک ..

سرکه جیدن حرکت ایتدکدن سرکه جیه
 کلنجیه قدر باشمدن کچه جک بتون وقایی برر ، برر
 نوطه ایتکلکمی رجا ایدیورسک . بورجایه ذاتاً
 حاجت یوق ایدی . زیرا ، سن ایتهدیسهک ، حتی
 قوللرمی باغلاسهک بیله بن کوردیکم شیلری
 برر برر نوطه ایده جکم . بونک ایچون اساساً
 ایکی پروغرام یایدم : بریسی (عثمانلی ، یونان)
 سفرینی باشدن آشاغی کوستره جک ، برتاریخ حرب ..

اوتتمکى هم عسكرلرک همده عسكر اوليانلرک
 ايشنه يرايه جق بر اثر پازمغه دائردو . برنجيسنه
 هنوز قطعى براسم ويرمدم . لکن ايکنجيسنه
 اوزون بويلي دوشونمکسزین «عسكر مکتوبلری»
 اسمنى ويردم . انسان کندی اولادينه ايستديکي
 کبي اسم قويار ؛ دکلې ؟ بنده ايشته اويله ياپدم .
 عسكر مکتوبلرنده برنيجه شيلره تصادف
 ايدم . جکسک که ، سنک وسنک کيلرک پلک زياده
 خوشلرينه کيده جکدر . بن باشمدن هر نه کچمش ،
 ايکي کوزم هر نه کورمش ايسه حرفى حرفنه يازه جقم .
 لکن سندن بوکا قرشو ايکي شرط ايسترم :
 بريسي يازديغم شيلري جدی برنظرله اوقومق ؛
 ايکنجيسى موسم بهار ايله چفلک طالمرندن بحث
 ايدرك بکا جواب ويرمکدر .

پیک آهم کیده لی خیلی زماندر ياره
 اومارز کیم کتيرر برخبر انشاءالله !
 سوزيله عامل اولمايسم کندیمی بختيار
 صايه جقم . بيلورسک که ، بن بريده مکتوب يازنجه
 مطلق جواب ايسترم . جواب آلمايسم جواب

ویرمک عادت‌م دکل. حاصلی اساسلی بر پروغرامک
کیدیشه سخته ویرمک ال‌کدن کلورسه ور !

برده ، صاقین بندن شاه‌رانه و عن‌دلیانه
سوزلر بکلمیک ! کل دالندن بر عسکر قلمی یامق
ال‌کزدن کلدکه عسکرلردن کوللری کولدی‌ره جک،
بلبللری آغل‌ته حق سوز بکلمه یه حق‌کز یوق !
اللهه اصهار لادق ، دوستم ! ایشه بن کیدیورم ؛
سزدن دعا، جناب حق‌دن ظفر بزم یار و معینمزم
اولسون. ۱۷ نیسان ۳۱۳

۱۸ نیسان ۳۱۳

سرکه‌جی هر زمانکی اکشی یوزینه بر نقاب
سعادت چکمش.. انسانه عادتاً کولیور ! کنج
عسکرلرمز تسالیا چایرلرنده مظفریت لاله‌لری
دوشیرمه یه کیدیور ! کاشکی سن ده بوراده اولسیدک؛
سلاحلره بوریمش اولان شو طرفنده سیاحلرک
یول تلاشی کرچک کوریله جک برشیدی !
کیده جکلرک اکثریسنی طانیورم. آرقداشسز
یوله چیق‌مق، تفکسز آوه کیت‌مکدن بدتر برشی

اولدینقی ده پک ایو بیلورم . اونک ایچون شو
 کوزل تصادف بی ایجه سویندیردی . بکلمه
 سالونی کوشه لرندن بریسندمه برطور غازیانه ایله
 اوطورمش کوچک ، قیصه بویلی بر ملازم وار .
 بونجه کیرنلر و چیقانلر آره سنده کوزمک اک
 چوق ایلیشدیکی راوراسی .. یکی مکتبدن چیقمش
 بر ملازم ثانی . بونی بوصنی اوزونجه تعریفه نه
 حاجت ! او ، ذاتاً رساملرک وظیفه سیدر . بر
 یالکز ملازمک اوموزدن آشوری طاقش
 اولدینی اکری قلیجی ، کوزل طبانجه سنی ، یکی
 بیچم دوربین و مطره سنی ایوجه بر کوزدن
 یکوردم . بر کرده هنوز پک تازه برقرز چوجغه
 وصاچی آغارمش بر ارککه قرشو کوستردیکی
 نزاکت و معامله سنه باقدم . ارککدن زیاده مینی
 مینی برسوت قوز وسیله کوریشن اوملازمک حالی
 حراقه طوقندی . نه یاپه یم ! بر آزدها صوقلدم .
 کوردم که آلتون صاچلی ، ماوی کوزلی قزک
 کونش چهره سنده صیجاقدن اریمه یه یوزطوتمش
 بعض اینجی دانه لری وار ! .

اموزنده کی اسکی پوسکی ستره یه هینچ ده
اویمه جق درجه ده کوزل بر طور وش ایله بر
کنج ملازمه ، برکنج قزه باقان اوزون بویلی
اختیارکده کوزلرنده یاش وار. عسکرلک شاننه
الویرمه مش، یوقسه ملازم ثانی ده مضوی بر تأثیرک
علامت ظاهره سنی کو سترمکدن کیرو قالمیه جق !

آکلاشیلان بو اوج کشی یایدر، اولاد،
قرداش ؛ ویا اویله دکلسه قاشن پدر، داماد، انشته در.
اودرجه صیقی کوریشمه لرینه بوندن بشقه نه معنا
ویريله بیلور ؟

کونش باتمق اوزره ایکس ، برقاج آرقده داش
استاسیونک اسکی غازینوسنه کیتدک . ده اپیچه
زمانمز وار. بن شو فرصتک هپسنی بوش یره کچور.
مکدن ایسه سکز آیدن بری ورم دوشکنه سرلمش
اولان برغریبه آشاغیده کی وجه ایله برتد کره
یازمه یی دها مناسب کورددم. تذکره یی سکا عیناً
یازیورم :

واللهک برلکنه امانت اول، سوکیلی آرقده داش !
بز بوکیچه سلانیکه کیدیورز . اوندن صکره .

هدف الحركات تساليا اردوسى، دومكه قامه سيدر.
 سزكده برابر كله مديككزه. نيجه تاسفلر ايتسه مېرى.
 وار. خيلى زماندر، ايولشمكه يوز طوتديكز.
 اولزده ينه كلور ايسهك سزى آياقده كوره جكمزى
 اومارز.

» بونجه ييللردن برى قورى، قورى صرهر،
 اوزرينه چوريمش اولان بروجودى ييمكه چالیشان
 بردردك الله بلاسنى ویرسون! انسان بلنه قلیج
 طاقنجه حياتنى ذاتاً ویرمش دیمكدر. غوغايه كیتمك
 هوسى بزم هېمزدن زیاده سزده وار. صوك كو-
 رشديكم زمان فتوحات اسلامیه یی یالكز اعلان
 صحیفه لرنده كورمكله قاله جفكزه اسف ایدیوردیكز.
 لكن ضرر یوق! سز عسکر سلاحی قوشاندیكز
 كونه غوغايه، فعلاً دكلسه بیله، وجداناً و فكرآ
 اشتراك ایتمش صاییلورسكز. بتون اقوامك لسان
 تبجیلنده سرنامه ظفر تشكیل ایدن فتوحات
 اسلامیه یی ایشتمك ده سزك ایچون یتیشور، سانورم.
 چونكه سز، كندی خصوصی امللركرك ایلری
 كیتدیكنی كورمكدن زیاده، شبهه سز. عساكر

ناهانەنك ظفردن ظفرە يوریدیكنی كورمك
بسترسكنز . »

غازینوده برچاك وار . ترمەنرك حركت
ایده جككری زمانی اوراده اوطورانلره خبر
ویریور . بزده ایشه اوچاكك ویردیكى اشارت
لوزرینه اسكى یریمزه یعنی بکلمه سالوننه كلك .
سالون تپەدن طرناغه طولمش .. هر نه چشید
انسان ایسترسەك وار . بردن قرشومه بك سوسلی
کینمش ایكى دوقتور چیقدى . بریسی دوقتور
قول آغاسی ، رفعت بك ؛ اوتەكى دوقتور میر آلابی ،
بیلمام کیم !

رفعت بك مکتب حربیه شاهانەده معلمك
ایدیور . آنى بك ایوبیلیورم . لکن او ، ناپولیون
کاری چیزمه لرینی دیزقاقلرینه قدر چکن میر آلابی
بیلمیورم . رفعت بك بزى بربریمزه تقدیم ایتدی .
اونك اوزرینه اوکرندم که ، اوبارلاق کینمش
ضابط رفعت بكك قرداشی کربدلی میر آلابی
محمود بك ایمش ..

بش اون دقیقه صکره ترمەن بویدن بویه
قرمزی فسلیلر ایله طولدی . هیچ بشقه بریولجی

یوقدی، دیرسهم اینان! بزی تشیع ایچون کلنلر
ایله حزب ایچون کیدنلر، شیمدی ایودن ایویه بللی.
اولدی. ایکی اوج دقیقه لق زما تمزی ده واغون
نچره لرینه اصیلی بر حالد کچور مشز! شو منظره بی.
سکا جدا کوسترمک ایچون بر شاعر، بر رسام ایستر.
یوقسه بنم کبی الی قلم ویافورچه طو تمقدن عاجز
اولانلر آنک محاسن طبیعه سنی هیچ بر زمان
کوستره مز لر.

یا هو! نه دیر سکز؟ شو بردوزی به ایلری
کیرو کیدن انسان طالغه لری ایچنه کوزمینه
اودمینکی مثله ایلشیمس-ونمی! کنج ملازم
آرتق متانت عسکریه سنه یکلمش.. کاه آق صقاللینک
النی اوپر آغلار؛ کاه صاری صاچلینک کوزلرینی
اوپر آغلار!..

تصادف، شو کوزل چیچک دمتی بزم واغونک
اتکنه قدر کتور مش، بزم خبر من یوق.. او، اوج
جان بر برینه اودرجه کیزمش که، یرسز قالان ملازم
کندیسنه یر آرامه بی بیله خاطر ندن سیلمش..

اک صکره کورددم که، اولیه جق ملازم ثانی بی
اویان دیردم. بتون آرقدا شلر آنک اشیاسنی واغونه

کتورمك ايجون ال برلكيله چاليشديلر . كاشي
ال برلكيله او كوربه قوزي يي ده ايجري آتسه لردى
ته كوزل اولوردى !..

